

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINSKI SUD U KISELJAKU
Broj: 49 0 K 079856 25 K
Kiseljak, 24.11.2025. godine

U IME FEDERACIJE BOSNE I HERCEGOVINE

Općinski sud u Kiseljaku, po sutkinji Orman Šerbo Rasemi kao sutkinji pojedincu, uz sudjelovanje zapisničarke Bošnjak Dajane u krivičnom predmetu protiv optuženog R.G. zv. „R.“, zbog krivičnog djela Posjedovanje i omogućavanje uživanja opojnih droga iz člana 239. stav 3. Krivičnog zakona Federacije Bosne i Hercegovine, po optužnici Kantonalnog tužilaštva Travnik broj: T06 0 KT 0036897 24 od 06.06.2025. godine, nakon održanog ročišta za razmatranje izjave o priznanju krivnje i pretresa za izricanje krivično pravne sankcije u prisustvu optuženog R.G. i Kantonalnog tužitelja Ž.G., dana 24.11.2025. godine donio je i javno objavio sljedeću:

P R E S U D U

OPTUŽENI:

R.G. zv. „R.“, sin D. i majke A. rođene G., rođen 29.11.2000. godine u N.B., nastanjen u ulici Š. ..., općina F., ..., državljanin BiH i RH, JMBG: ..., pismen, završio osnovnu školu, po zanimanju NK radnik, nezaposlen, neoženjen, nije služio vojsku, lošeg imovnog stanja, osuđivan i to:

- Presudom Općinskog suda Kiseljak broj: 43 0 K 046726 18 K od 13.02.2019. godine, zbog KD Oštećenje tuđe stvari iz člana 293. stav 1. Krivičnog zakona Federacije Bosne i Hercegovine na kaznu zatvora u trajanju od 3 (tri) mjeseca uvjet 1 (jedna) godina,
- Presudom Općinskog suda Kiseljak broj: 49 0 K 049770 19 K od 15.07.2019. godine, zbog krivičnog djela Teška krađa iz člana 287. stav 1. tačka b. Krivičnog zakona Federacije Bosne i Hercegovine, na kaznu zatvora u trajanju od 8 (osam) mjeseca uvjet 1 (jedna) godina i 6 (šest) mjeseci,
- Presudom Općinskog suda Kiseljak broj: 49 0 K 049071 19 K od 02.11.2020. godine, zbog krivičnog djela Krađa iz člana 286. stav 1. Krivičnog zakona Federacije Bosne i Hercegovine, na kaznu zatvora u trajanju od 3 (tri) mjeseca. Kazna izdržana,
- Presudom Općinskog suda Kiseljak broj: 49 0 K 061065 22 K od 20.03.2023. godine, zbog krivičnog djela Oštećenje tuđe stvari iz člana 293. stav 1. Krivičnog zakona Federacije Bosne i Hercegovine, na novčanu kaznu u iznosu od 1.200,00 KM.
- Presudom Općinskog suda Kiseljak broj: 49 0 K 067226 24 K od 13.02.2025. godine, zbog krivičnog djela Teška krađa iz člana 287. stav 1. tačka a) Krivičnog zakona Federacije Bosne i Hercegovine, na kaznu zatvora u trajanju od 8 (osam) mjeseci.

K R I V I J E

Što je:

Dana 13.02.2025. godine oko 11:10 sati u ulici B. ... općina F., prilikom kontrole od strane policijskih službenika PS Fojnica, suprotno odredbi člana 4. 17. i 19. Zakona o sprečavanju i suzbijanju zloupotrebe opojnih droga BiH (Službeni glasnik BiH broj: 8/06, 103/08 i 51/11), kod sebe neovlašteno posjedovao jedan pvc zamotuljak sa sadržajem opojne

droge Cannabis neto mase 0,240 grama, svjestan da je posjedovanje opojne droge zabranjeno, i htijući to, koju opojnu drogu je dobrovoljno predao policijskim službenicima PS Fojnica, za što mu je izdata potvrda o privremenom oduzimanju predmeta.

Dakle, neovlašteno posjedovao opojnu drogu.

Čime je počinio krivično djelo Posjedovanje i omogućavanje uživanja opojnih droga iz člana 239. stav 3. Krivičnog zakona Federacije BiH.

Pa ga sud primjenom iste zakonske odredbe te primjenom člana 7. 42., 43 i 49 Krivičnog zakona Federacije BiH

O S U D U J E

NA KAZNU ZATVORA U TRAJANJU OD 4 (ČETIRI) MJESECA

Temeljem odredbe člana 239. stav 4. Krivičnog zakona Federacije Bosne i Hercegovine jedan pvc zamotuljak sa sadržajem opojne droge Cannabis neto mase 0,240 grama oduzeta od optuženog R.G. po Potvrdi o privremenom oduzimanju predmeta PS Fojnica broj:02/6-5-1-03-2-11/25. od 13.02.2025. godine, trajno se oduzima i ista će se po pravosnažnosti presude uništiti.

Na osnovu odredbe člana 202. ZKP F BiH optuženi se obavezuje na plaćanje troškova sudskog paušala u iznosu od 100,00 KM (stotinu konvertibilnih maraka) u roku od 15 dana od dana pravosnažnosti presude.

O b r a z l o ž e n j e

Kantonalni tužilac u Travniku optužnicom broj: T06 0 KT 0036897 24 od 06.06.2025. godine optužio je R.G. zbog krivičnog djela Posjedovanje i omogućavanje uživanja opojnih droga iz člana 239. stav 3. KZ F BiH.

Ova optužnica od strane sudije za prethodno saslušanje Općinskog suda u Kiseljaku je potvrđena dana 16.06.2025. godine a na ročištu za izjašnjenje o krivnji dana 01.10.2025. godine optuženi se izjasnio da je kriv za krivično djelo koje mu se predmetnom optužnicom stavlja na teret.

Na ročištu za razmatranje izjave o priznanju krivnje dana 24.11.2025. godine sud je nakon saslušanja optuženog R.G., zaključio da je optuženi krivnju priznao dobrovoljno, svjesno i sa razumijevanjem, te bez prisile ili nagovaranja.

Budući da je sud utvrdio da je optuženi izjavu o priznanju krivnje dao dobrovoljno, svjesno, sa razumijevanjem, bez ičije prisile ili nagovaranja a u skladu sa odredbom člana 245. stav 1. tačka a) ZKP F BiH sud je također našao uvidom i čitanjem: Službena zabilješka PS Fojnica broj 02/6-5-1-03-2-116/25 S.K od 13.02.2025.godine, Službena zabilješka PS Fojnica broj 02/6-5-1-04-2-117/25 od 13.02.2025.godine, Potvrda o privremenom oduzimanju predmeta PS Fojnica broj: 02/6-5-1-03-2-11/25 od 13.02.2025. godine, Zapisnik o privremenom oduzimanju predmeta PS Fojnica broj: 02/6-5-1-03-2-11-1/25 od 13.02.2025. godine i Fotodokumenatcija PU Kiseljak broj: 02/6-5-1-03-2-20/25 od 24.03.2025. godine, da

je dana 13.02.2025. godine oko 11:10 sati u ulici B. ..., općina F. prilikom kontrole od strane ovlaštenih službenih osoba PS Fojnica, optuženi dobrovoljno predao materiju koja svojim izgledom asocira a opojnu drogu cannabis ukupne neto mase 0,240 grama upakovana u jedan pvc zamotuljak. Ove činjenice nesporno potvrđuje sadržaj iskaza osumnjičenog R.G. dat na zapisniku PS Fojnica broj: 02/6-5-1-03-2-304/254 AP od 04.06.2025. godine

Rješenjem Općinskog suda u Kiseljaku broj: 49 0 K 073722 25 Kpp od 17.02.2025. godine određeno je da će se privremeno oduzeti predmeti zadržati pod nadzorom Općinskog suda u Kiseljaku, čitanjem Naredbe za provođenje hemijsko-toksikološkog vještačenja Kantonalnog tužilaštva Travnik broj T06 0 KT 0036897 25 od 20.03.2025. godine, Nalaza i mišljenja vještačenja broj: 11-18-18/2-03-5-687 od 28.05.2025. godine FUP Sarajevo i Foto-dokumentacije od 24.03.2025. godine PU Kiseljak, nesporno je utvrđeno da je na vještačenje dostavljen jedan prozirni pvc paketić sa sadržajem zelene biljne materije, zapravo opojna droga „Cannabis“ neto mase 0,240 g a koju je optuženi svjesno i htijući neovlašteno posjedovao dana 13.02.2025. godine oko 11:10 sati u ulici B. ..., općina F. suprotno odredbama člana 4. u vezi sa članom 19. Zakona o sprečavanju i suzbijanju zloupotrebe opojnih droga jer se Cannabis nalazi na popisu opojnih droga, psihotropnih materija, biljaka iz kojih se može dobiti opojna droga i prekursor.

Imajući u vidu da je priznanje optuženog dato pred ovim sudom u cijelosti potvrđeno prezentiranim dokazima, to je sud u cijelosti i prihvatio njegovu izjavu o priznanju krivnje koju je dao dana 01.10.2025. godine, te optuženog R.G. prethodno ne nalazeći okolnosti koje isključuju ili umanjuju krivnju, oglasio krivim zbog izvršenja krivičnog djela Posjedovanje i omogućavanje uživanja opojnih droga iz člana 239. stav 3. KZ F BiH.

Zastupnik optužbe je u završnoj riječi izjavio da na strani optuženog kao otežavajuće okolnosti tužiteljstvo ističe raniju osuđivanost optuženog, a od olakšavajućih okolnosti u korist optuženog ističe ekonomičnost postupka iz razloga što je optuženi priznao krivnju.

Optuženi u okviru završnih riječi je izjavio da sud cijeni činjenicu da je policajcima dobrovoljno predao drogu, da je koristio za vlastite potrebe, te da je riječ samo o kanabisu, a ne o težim drogama i da je ovo prvi put da je počinio ovo krivično djelo.

Prilikom donošenja odluke o vrsti i visini krivične sankcije za počinjeno krivično djelo cijene su sve okolnosti koje su propisane članom 49. KZ F BiH krećući se u granicama propisane kazne, cijeneći svrhu kažnjavanja propisanu u članu 42. KZ F BiH te uzimajući okolnosti koje utiču da kazna bude manja ili veća odlučio kao u izreci presude. Na strani optuženog R.G. sud je kao olakšavajuću okolnost cijenio činjenicu da je priznao izvršenje krivičnog djela još u ranoj fazi postupka na koji način je značajno doprinio ekonomičnosti postupka, drugih olakšavajućih okolnosti nije bilo.

Kao otežavajuću okolnost na strani optuženog sud cijenio činjenicu da je do sada osuđivan što proizilazi iz Izvoda iz kaznene evidencije baze TCMS-a za osumnjičenog R.G. od 27.03.2025. godine i to presudom Presudom Općinskog suda Kiseljak broj: 43 0 K 046726 18 K od 13.02.2019. godine, zbog KD Oštećenje tuđe stvari iz člana 293. stav 1. Krivičnog zakona Federacije Bosne i Hercegovine na kaznu zatvora u trajanju od 3 (tri) mjeseca uvjet 1 (jedna) godina, Presudom Općinskog suda Kiseljak broj: 49 0 K 049770 19 K od 15.07.2019. godine, zbog krivičnog djela Teška krađa iz člana 287. stav 1. tačka b. Krivičnog zakona Federacije Bosne i Hercegovine, na kaznu zatvora u trajanju od 8 (osam) mjeseca uvjet 1 (jedna) godina i 6 (šest) mjeseci, Presudom Općinskog suda Kiseljak broj: 49 0 K 049071 19

K od 02.11.2020. godine, zbog krivičnog djela Krađa iz člana 286. stav 1. Krivičnog zakona Federacije Bosne i Hercegovine, na kaznu zatvora u trajanju od 3 (tri) mjeseca-kazna izdržana, Presudom Općinskog suda Kiseljak broj: 49 0 K 061065 22 K od 20.03.2023. godine, zbog krivičnog djela Oštećenje tuđe stvari iz člana 293. stav 1. Krivičnog zakona Federacije Bosne i Hercegovine, na novčanu kaznu u iznosu od 1.200,00 KM.

Imajući u vidu da je optuženi ranije dva puta osuđivan za istovrsno krivično djelo, da ranije osude nisu ostvarila očekivanu svrhu kažnjavanja, niti ga odvratile od izvršenja krivičnih djela, a upravo imajući u vidu te okolnosti, te naročito učestalost počinjenja ovog krivičnog djela na području BiH a što upućuje na obavezu strožijeg sankcionisanja počinitelaca ovakvih krivičnih djela, sud je mišljenja da se samo bezuvjetnom kaznom zatvora može postići svrha kažnjavanja.

Iz navedenih razloga sud je optuženom G.R. izrekao kaznu zatvora u trajanju od četiri mjeseca, koju kaznu smatra adekvatnom i primjerena prirodi i težini počinjenog krivičnog djela, okolnostima izvršenja i stepenu ispoljene krivnje optuženog i za koju kaznu je uvjerenja, da se jedino takvom kaznom, u odnosu na ovog optuženog, može postići kako opća, tako i posebna svrha krivičnopravnih sankcija iz člana 7. KZ F BiH i svrha kažnjavanja iz člana 42. KZ F BiH.

Temeljem odredbe člana 78.i člana 239. stav 4. KZ F BiH jedan pvc zamotuljak sa sadržajem opojne droge Cannabis neto mase 0,240 grama oduzeta od optuženog R.G. po Potvrdi o privremenom oduzimanju predmeta PS Fojnica broj: 02/6-5-1-03-2-11/25. od 13.02.2025. godine, trajno se oduzima i ista će se po pravosnažnosti presude uništiti.

Primjenom odredbe člana 202. ZKP F BiH sud je optuženog obavezao na plaćanje troškova sudskog paušala u iznosu od 100,00 KM, a visina paušala je određena obzirom na dužinu trajanja, složenost postupka i imovinske prilike optuženog.

Zapisničar

S U T K I N J A

Bošnjak Dajana

Orman-Šerbo Rasema

PRAVNA POUKA

Protiv ove presude može se izjaviti žalba u roku od 15 dana od dana prijema iste Kantonalnom sudu u Novom Travniku, a putem ovoga suda. Žalba se podnosi u 3 primjerka.

Dna

Iznesi spis završenim

Presudu dostaviti:

-optuženom

-KT Travnik

Ev. 02.02.2026. godine

S u t k i n j a
Orman Šerbo Rasema